

QISHLOQ HAYOTI № 24 (9135)-son

Ўзбекистон Республикаси ижтимоий-иқтисодий газетаси 1974-йил 1-январдан чиқиб бораётган

БОКС БЎЙИЧА ЎЗБЕКИСТОН ТЕРМА ЖАМОАСИГА

Мард ва жасур фарзандларим, юртимиз қаҳрамонлари!

Сиз, азизлар шу йил 24-31 май кунлари Бирлашган Араб Амирликларининг Дубай шаҳрида бўлиб ўтган бокс бўйича Осиё чемпионатида Ватанимиз шарафини муносиб ҳимоя қилиб, азму шижоатли ўзбек фарзандлари қандай буюк ишларга қодир эканини яна бир бор яққол намойиш этдингиз.

Сизларнинг мана шундай ёрқин ғалабангиз ва унинг омиллари ҳақида сўз юритар эканмиз, мамлакатимизда кейинги йилларда жисмоний тарбия ва спорт соҳасини ривожлантиришга жиддий эътибор берилганлигини алоҳида таъкидлаш ўринлидир.

Ана шундай юксак эътибор туфайли ёшларимиз ўртасида спортнинг бошқа турлари қатори боксга бўлган меҳр ва қизиқиш ҳам тобора ортиб бормоқда.

Ҳеч шубҳасиз, бу борада ўзининг шонли аъённаларига эга бўлган ўзбек бокс мактабининг сиздек муносиб вакиллариининг жаҳон майдонларида эришган улкан ютуқлари ҳам бекиёс роль ўйнамоқда.

Бундан беш йил олдин айнан сизларнинг юксак маҳорат ва матонатингиз билан Бразилиянинг Рио-де-Жанейро шаҳрида бўлиб ўтган XXXI ёзги Олимпия ўйинларида Ўзбекистон чарм қўлқоп усталари жаҳоннинг энг қудратли ва етакчи бокс жамоалари қаторига кўтарилгани барчамизга чексиз ғурур ва ифтихор бағишлайди.

Сизлар кейинги йилларда ана шу ютуқларни янада мустақамлаб, 3 та Осиё биринчилиги, Осиё ўйинлари ва 2019 йили Россиянинг Екатеринбург шаҳрида ўтказилган жаҳон чемпионатида барча рақиблирини ортда қолдириб, умумжамоа ҳисобида биринчи ўринни қўлга киритганингиз таъсирчан сазовордир.

Ўзбек боксининг шуҳратини келгусида жаҳон миқёсида кенг тараннум этиш, ушбу спорт турини ёшларимиз ўртасида янада оммалаштириш мақсадида яқинда махсус қарор қабул қилганимиз сизларга яхши маълум, албатта.

Маэзқур ҳужжатда қарийб бир асрлик бой тарих ва аъённаларга эга бўлган ўзбек бокс мактабини янада ривожлантириш, унинг жаҳон спортидаги етакчилиги мавқени мустақамлаш, ёшларимиз ўртасида янги Осиё, жаҳон ва Олимпия чемпионлари этишиб чиқишини таъминлаш бўйича зарур чора-тадбирлар белгиланганини айтиб ўтишни истардим.

Шу ўринда мамлакатимизда хотин-қизлар спорти, хусусан, аёллар бокси ҳам изчил ривожланиб бораётганини қайд этиш лозим. Сизлар ғолибликни қўлга киритган Осиё чемпионатида Тўмарис ва Барчинойдек ботир ва доворак момоларимизнинг муносиб давомчилари бўлган жасур қизларимиз ҳам фаол иштирок этиб, 1 та олтин, 5 та кумуш ва 2 та бронза медалини қўлга киритганлари ҳаммамизни қувонтиради.

Бу ҳақда гапирганда, яқинда ёшлар ўртасида бўлиб ўтган дунё биринчилигида ўзбек қизи Нигина Ўктамова миллий тарихимизда биринчи марта хотин-қизлар орасида “жаҳон чемпиони” деган юксак шарафга муяссар бўлганини фахр билан тилга оламиз.

Ишонаманки, бу ҳали бошлангич. Келгусида қизларимиз бундан ҳам юксак ғалабалари билан жаҳон бокс оламиини ҳайратга солади, албатта.

Азиз ғолиб ва музаффар фарзандларим!

Сизларнинг Осиё чемпионатида эришган улкан ютугингиз энг улуг, энг азиз байрамимиз – Мустақиллигимизнинг 30 йиллик шодиёнасига муносиб совға бўлди.

Сизлар ушбу ғалабангиз билан халқимизга янада кўтаринки кайфият ва катта қувонч олиб келдингиз.

Бундай муваффақиятлар замирида тажрибали мураббийлар ва федерация ходимларининг кечаю кундуз қилаётган тинимсиз меҳнати, фахрийларимизнинг йиллар давомида тўплаган буюк ва бебаҳо мероси, халқимиз ва ҳурматли ота-оналарингизнинг дуолари мужассам, десак, ҳар томонлама тўғри бўлади.

Яқинда Токио шаҳрида бошланадиган Олимпия ўйинларида ҳам сизларга мана шундай улкан зафар ва омадлар ёр бўлсин!

Жаҳон спорт майдонларида Ватанимиз байроғини янада баланд кўтариб, унинг шон-шуҳратини оширишда барчангизга сиҳат-саломатлик, куч-ғайрат ва янги-янги ғалабалар тилайман.

Ёрқин ва улкан ютугингиз муборак бўлсин!

Шавкат МИРЗИЁЕВ, Ўзбекистон Республикаси Президенти

СУРХОНДАРЁ ВИЛОЯТИНИ КОМПЛЕКС РИВОЖЛАНТИРИШ ВА АҲОЛИ ФАРОВОНЛИгини ОШИРИШ БЎЙИЧА УСТУВОР ВАЗИФАЛАР БЕЛГИЛАБ БЕРИЛДИ

Президент Шавкат Мирзиёев ҳудудлар иқтисодиёти, аҳоли турмуш шароити билан яқиндан танишиш, истиқболдаги режаларни белгилаш мақсадида 1-2 июнь кунлари Сурхондарё вилоятида бўлди.

Давлатимиз раҳбари 2 июнь кунги Ҳақим ат-Термизий мақбарасини зиёрат қилди.

Яратгандан юртимизга тинчлик-фаровонлик тилаб дуолаб қилинди. Зиёлилар билан суҳбатда аллома боболаримизнинг маърифий меросини чуқур ўрганиш, ёшларни билимли ва фазилатли инсонлар этиб тарбиялаш ҳақида сўз юритилди.

Термиз шаҳрида Сурхондарё вилояти маҳаллий кенгаш депутатлари, тadbиркор ва фермерлар, нурунийлар, ёшлар, жамоатчилик фаоллари иштирокида йиғилиш бўлди.

Ўзбекистон Республикаси Президенти Шавкат Мирзиёев вилоятни комплекс ривожлантириш, “маҳаллабай” тизимда аҳоли ҳаётини яхшилаш бўйича устувор вазифаларни кўрсатиб ўтди.

– Сизлар билан учрашиб, муаммоларни ҳал этиш учун келганмиз. Бу ташрифга анчадан бери тайёрларик кўрдик. Тошкентга боғлиқ масала қолмади. Энди берилган маблағ ва тизимни ақл билан ишлатиб, жойларда манзилли бажариш керак. Мен куйиб-пишганим билан сизлар жон куйдирмасангиз, халқнинг бири икки бўлмайди. Сурхондарёнинг ички имкониятларидан фойдалансанк, одамларнинг дардига дармон бўлиш учун ҳамма шароит бор. Бунинг учун сектор раҳбарлари

ри фидойи бўлиб, жойига тушиб, “маҳаллабай” тизимда ишлаши керак, – деди Шавкат Мирзиёев.

Тadbиркорликни ривожлантириш ва аҳоли бандлигини таъминлаш биринчи йўналиш сифатида белгиланди.

Давлатимиз раҳбари Бандихон, Қизирик, Музработ ва Шеробод туманлари ривожига туртки бериш мақсадида ушбу туманларда янгидан ташкил этиладиган тadbиркорлик субъектларини ер, мол-мулк, кичик корхона айланмасидан олинадиган солиқлар, яқна тартибдаги тadbиркорларнинг қатъий миқдордаги даромад солиғидан 2024 йил 1 январга қадар озод қилишни тақлиф қилди.

Сурхондарё вилоятида 2021-2022 йилларда умумий қиймати 16 триллион 800 миллиард сўм бўлган 1 минг 177 та ҳудудий инвестиция лойиҳалари амалга оширилиши қайд этилди. Уларнинг натижасида 25 мингта янги иш ўрни ташкил этиш мўлжалланган.

– Вилоятда қурилиш материаллари, энгил, чарм, озик-овқат, электротехника, маҳаллий саноат каби “драйвер” соҳаларни жадал ривожлантириш ва янги лойиҳаларни кўпайтириш зарур, – деди Президент.

Шу мақсадда, қурилиш материалларини экспорт қилишда транспорт харажатлари ва кредит

фоизларини қисман қоплаб бериш, импорт ўрнини босувчи маиший товарлар ишлаб чиқарувчи маҳаллий саноат корхоналарига хомашё ва ярим фабрикатларни импорт қилишда имтиёзлар бериш бўйича тақлифлар билдирилди.

Бойсун, Сароисиё, Шеробод туманларини қурилиш материаллари, Қизирикни энгил саноат, Олтинсойни озик-овқат, Ангорни чарм, Бандихон ва Музработ туманларини маҳаллий саноатга ихтисослаштириб, кластерлар ташкил этиш зарурлиги таъкидланди. Хусусан, Сароисиёда қурилиш материаллари ишлаб чиқариш инновацион индустриал зонаси ташкил этилиши айтилди.

Ушбу 8 та ихтисослаштирилган туманда саноатни ривожлантириш учун зарур бўладиган, жами 674 километр сув, электр, газ, йўл, алоқа тармоқларини қуриш бўйича манзилли лойиҳалар рўйхати шакллантирилади.

Вилоятда импорт ўрнини босувчи янги лойиҳаларни молиялаштириш, зарур инфратузилмани яратиш, экспортёрларни айланма маблағ билан таъминлаш мақсадида Тикланиш ва тараққиёт жамғармасидан 50 миллион доллар миқдорда имтиёзли молиявий ресурс ажратиладиган бўлди.

ДАВОМИ 3-САҲИФАДА >>>

Ўзбекистон Республикаси Президентининг ФАРМОНИ ТЕХНИК ЖИҲАТДАН ТАРТИБГА СОЛИШ СОҲАСИДА ДАВЛАТ БОШҚАРУВИНИ ТУБДАН ТАКОМИЛЛАШТИРИШ ТЎҒРИСИДА

Техник жиҳатдан тартибга солиш, стандартлаштириш, сертификатлаш ва метрология соҳаларида тарқибий ислохотларни янада чуқурлаштириш, соҳани халқаро андозаларга мослаштириш, стандартлардан кенг фойдаланиш муҳитини яратиш, мувофиқликни баҳолаш жараёнларига замонавий услубларни жорий қилиш мақсадида:

1. Ўзбекистон стандартлаштириш, метрология ва сертификатлаштириш агентлиги негизда Ўзбекистон Республикаси Инвестициялар ва ташқи савдо вазирлиги ҳузуридаги Ўзбекистон техник жиҳатдан тартибга солиш агентлиги (кейинги ўринларда – Техник жиҳатдан тартибга солиш агентлиги) ташкил этилсин.

2. Белгилансинки, Техник жиҳатдан тартибга солиш агентлиги:

техник жиҳатдан тартибга солиш ва метрология соҳаларида давлат сиёсатини амалга оширувчи республика давлат бошқаруви органи ҳисобланади;

ўз ваколатлари доирасида умуммажбурий бўлган норматив-ҳуқуқий ҳужжатлар қабул қилишга ҳақли.

3. Шундай тартиб ўрнатилсинки, унга мувофиқ: санитария-эпидемиологик ҳулосаси мажбурий тартибда олиниши лозим бўлган озик-овқат ва қишлоқ ҳўжалиги маҳсулотларига нисбатан мувофиқлик сертификатини олиш ихтиёрий равишда амалга оширилади. Бунда, ушбу маҳсулотларни тайёрловчилар (ишлаб чиқарувчилар), етказиб берувчилар ва сотувчилар уларнинг техник регламентлар ва стандартлар билан белгиланган мажбурий талабларга мувофиқлигини таъминлаш учун жавобгар ҳисобланади;

ДАВОМИ 2-САҲИФАДА >>>

Ўзбекистон Республикаси Президентининг ҚАРОРИ ЎЗБЕКИСТОН РЕСПУБЛИКАСИ ИНВЕСТИЦИЯЛАР ВА ТАШҚИ САВДО ВАЗИРЛИГИ ҲУЗУРИДАГИ ЎЗБЕКИСТОН ТЕХНИК ЖИҲАТДАН ТАРТИБГА СОЛИШ АГЕНТЛИГИ ФАОЛИЯТИНИ ТАШКИЛ ЭТИШ ЧОРА-ТАДБИРЛАРИ ТЎҒРИСИДА

Ўзбекистон Республикаси Президентининг 2021 йил 2 июндаги “Техник жиҳатдан тартибга солиш соҳасида давлат бошқарувини туздан такомиллаштириш тўғрисида”ги ПФ–6240-сон Фармони ижросини таъминлаш мақсадида:

1. Ўзбекистон Республикаси Инвестициялар ва ташқи савдо вазирлиги ҳузуридаги Ўзбекистон техник жиҳатдан тартибга солиш агентлиги (кейинги ўринларда – Техник жиҳатдан тартибга солиш агентлиги) қўйидаги қўшимча ваколатлар берилсин:

мутасадди идоралар томонидан халқаро стандартлар ва техник регламентларнинг жадал жорий этилишини мувофиқлаштириб бориш; маҳсулотларга нисбатан қонунчилик ҳужжатларида ва техник регламентларда белгиланган мажбурий талабларни бузганликда айбдор бўлган тайёрловчилар (ишлаб чиқарувчилар), сотувчилар ва ижрозиларга нисбатан молиявий санкцияларни қўллаш бўйича судга мурожаат қилиш;

корхоналарда техник регламент ва стандартлар талабларига риоя этмаганлик учун корхона ва тармоқ раҳбарларига тақдимномалар киритиш;

техник регламентлар, стандартлар ва қонунчиликда белгиланган мажбурий талабларга номувофиқ деб топилган маҳсулотлар тўғрисидаги маълумотларни умумлаштириш ва реестрини юритиш.

ДАВОМИ 2-САҲИФАДА >>>

От ўрнини той босар ёҳуд “Бобомдан қолган далалар...”

Учкўрғон туманидаги Параканда қишлоғи атрофида жойлашган далалар собиқ иттифоқ даврига қадар Олимбек, кейинчалик унинг ўғли Олчинбекларга қарашли ерлар эканлиги ҳақида ҳужжатли васиқалар сақланиб қолган.

– Бобом ва отам ҳар йили ҳосилнинг учдан бирини ночор, юпун, етимлар ҳақи, дея алоҳида омборга қўйдириб, йил-ўн икки ой қийналганларга тарқатар, кўча бошида катта қозон осиб, оч-ночорларга меҳр-мурувват кўсатар экан. Бу ҳақида улуг ёшга кириб оламдан ўтган Ҳайитбой бободан кўп бор эшитганман, – дейди айнан ўша далаларда фермер ҳўжалиги ташкил этиб, фарзандлари билан ризқ-рўз яратаётган Раҳимжон Алимқулов.

ДАВОМИ 3-САҲИФАДА >>>



2021 йил 1 сентябрдан айрим турдаги хавфлилик даражаси юқори бўлмаган маҳсулотларнинг мувофиқлигини баҳолаш мувофиқликни декларациялаш йўли билан амалга оширилади

ТЕХНИК ЖИХАТДАН ТАРТИБГА СОЛИШ СОҲАСИДА ДАВЛАТ БОШҚАРУВИНИ ТУБДАН ТАКОМИЛЛАШТИРИШ ТЎҒРИСИДА

Ўзбекистон Республикаси Президентининг ФАРМОНИ

(Боши 1-саҳифада)
2021 йил 1 сентябрдан айрим турдаги хавфлилик даражаси юқори бўлмаган маҳсулотларнинг мувофиқлигини баҳолаш **мувофиқликни декларациялаш** йўли билан амалга оширилади. Бунда, мувофиқликни декларациялаш техник регламент талаблари асосида маҳсулотнинг тўлиқ синовлари ўтказилгандан сўнг ижобий синов натижаларига кўра тузиладиган синов баённомалари асосида **мувофиқлик сертификати берилмаган** ҳолда амалга оширилади;

халқаро ИЛАС/ИАФ ташкилотлари аъзоси ҳисобланган аккредитация идораси томонидан аккредитация қилинган **Ўзбекистон Республикаси резидентлари – мувофиқликни баҳолаш органлари**га миллий аккредитациядан ўтмаган ҳолда, аккредитация доираси ҳақида “Ўзбекистон аккредитация маркази” ДКни хабардор қилиб, мувофиқликни баҳолашга доир ишларни бажаришга рўхсат берилди. Бунда, расмийлаштирилган мувофиқликни баҳолаш ҳужжатларида ИЛАС/ИАФ ташкилотларининг тан олиш белгилари кўрсатилиши ва ушбу ҳужжатлар уларнинг расмий веб-сайтларида жойлаштирилиши мувофиқликни баҳолаш органлари томонидан таъминланиши шарт.

4. Белгилансинки, **2021 йил 1 ноябрдан бошлаб** импорт қилувчиларга қулайлик яратиш ҳамда ички бозорга сифатли ва хавфсиз маҳсулотларнинг кириб келишини таъминлаш мақсадида:

а) **хавфлилик даражаси юқори бўлган** айрим турдаги **маҳсулотларни давлат рўйхатидан ўтказгандан сўнг** республика ҳудудига эркин муомалага чиқариш (жисмоний шахслар томонидан ўз эҳтиёжлари учун қонунчилик ҳужжатларида белгиланган меъёрлар доирасида олиб келинган маҳсулотлар бундан муносиб) **тартиби жорий этилади**. Бунда: республика ҳудудига олиб кириладиган шу турдаги маҳсулотларнинг техник жиҳатдан тартибга солиш соҳасидаги норматив ҳужжатлар талабларига мувофиқлигини тасдиқловчи ҳужжатлар ушбу маҳсулотлар божхона ҳудудига келишидан камиди **15 кун олдин** божхона электрон дастурига жойлаштирилиши шарт; маҳсулотларни “эркин муомалага чиқариш” божхона режимида ўтказиш давлат божхона хизмати органлари томонидан **Ўзбекистон Республикасининг резиденти ҳисобланган** аккредитация қилинган мувофиқликни баҳолаш органлари томонидан расмийлаштирилган тегишли мувофиқликни тасдиқловчи ҳужжатлар асосида **амалга оширилади**;

б) **хавфлилик даражаси юқори бўлмаган** айрим турдаги маҳсулотларни Ўзбекистон Республикасининг резиденти ҳисобланган аккредитация қилинган мувофиқликни баҳолаш органларида мувофиқлик **сертификатини** (амал қилиш мuddатидан қатъи назар) **бир марта расмийлаштирган** ҳолда **йигирма тўрт ой давомда** импорт қилишга рўхсат этилади. Бунда: мазкур тартиб мувофиқлик сертификатида кўрсатилган **айнан бир ишлаб чиқарувчининг маҳсулот турлари**га нисбатан амал қилади; импорт қилувчининг маҳсулотлар мувофиқлиги тўғрисидаги декларацияси давлат божхона хизмати органлари томонидан маҳсулотни “эркин муомалага чиқариш” божхона режимида ўтказиш учун асос бўлади;

мазкур соддалаштирилган тартибда олиб кириладиган товарларнинг техник жиҳатдан тартибга солиш соҳасидаги норматив ҳужжатлар талабларига

мувофиқлигини таъминлаш учун ушбу товарларни олиб кираётган тadbиркорлик субъектлари жавобгар ҳисобланади;

в) республикага олиб келинадиган маҳсулотларнинг техник регламентлар, стандартлар ва қонун ҳужжатлари билан белгиланган **талабларга мувофиқлиги устидан назорат** Техник жиҳатдан тартибга солиш агентлиги ёки унинг тузилмасидаги ваколатли ташкилот томонидан **хавф-хатарлар таҳлили асосида** амалга оширилади;

г) техник регламентлар, стандартлар ва қонун ҳужжатлари билан белгиланган **мажбурий талабларга номувофиқ деб топилган маҳсулотлар рўйхатини юритиш** Техник жиҳатдан тартибга солиш агентлиги ёки унинг тузилмасидаги ваколатли ташкилот томонидан амалга оширилади. Бунда, рўйхатга киритилган маҳсулотларни, рўйхатга олинган кундан бошлаб **6 ой** мuddатгача рўйхатдан чиқариш, номувофиқ деб топилган тегишли маҳсулотни ишлаб чиқарувчи (унинг расмий вакили) томонидан Ўзбекистон Республикаси ҳудудига олиб кириш, эркин муомалага чиқариш тақиқланади.

5. Инвестициялар ва ташқи савдо вазирлиги ҳамда Техник жиҳатдан тартибга солиш агентлигининг:

ташкилот стандартлари тоифасига кирувчи стандартлаштиришга доир норматив ҳужжатларни **давлат рўйхатидан** ўтказишни **бекор қилиш**; вазирликлар, давлат кўмиталари ва идоралари томонидан ташкилот стандартларини экспертизадан ўтказиш ишларини **ҳақ олмасдан** амалга ошириш ҳақидаги тақлифлари маъқуллансин.

Бунда, ташкилот стандартларида белгиланганидан кўрсаткичлар (талаблар) Ўзбекистон Республикасида амалда бўлган тегишли маҳсулотларга оид стандартлар талабларидан паст бўлган ҳолларда, ушбу ташкилот стандартларига асосан маҳсулот мувофиқлигини тасдиқлашга йўл қўйилмайди.

6. Белгилаб қўйилсинки, маҳаллий мувофиқликни баҳолаш органларида маҳсулотнинг **хорижий давлатларнинг стандартларига** мувофиқлигини баҳолаш учун хорижий давлатлар стандартларининг Ўзбекистон Республикасида **давлат рўйхатидан ўтказилиши талаб қилинмайди**.

7. Инвестициялар ва ташқи савдо вазирлиги **2021 йил 1 июлга қадар** техник жиҳатдан тартибга солиш соҳасидаги норматив ҳужжатларни қабул қилиш тартибини халқаро талаблар асосида соддалаштириш бўйича қонунчиликка ўзгартиришлар киритиш ҳақида Вазирлар Маҳкамасига тақлифлар киритсин.

8. Янги қабул қилинаётган халқаро стандартларни ва техник регламентларни жорий этиш, қўллаш ҳамда техник жиҳатдан тартибга солиш талабларига риоя этилмаган ҳолатлар юзасидан киритилган тақдимномалар корхона ва тармоқ раҳбарларининг **ойлик, чораклик ва йиллик рағбатлари**нинг мезонларини **шакллантиришда** инобатга олинсин.

9. Техник жиҳатдан тартибга солиш агентлиги Тadbиркорлик субъектларининг ҳуқуқлари ва қонуний манфаатларини ҳимоя қилиш бўйича вакил билан биргаликда **икки ой мuddатда** корхоналарни техник жиҳатдан тартибга солиш соҳасидаги ҳуқуқбузарликлар профилактикаси билан қамраб олиш даражасини **2021 йилда 20 фоизга ва 2022 йилда 40 фоизга** етказиш бўйича чора-тадбирларни тасдиқласин.

10. Ўзбекистон Республикаси Президентининг 2020 йил 18 августдаги ПФ–6042-сон Фармони билан тасдиқланган Экспорт ва инвестицияларни ривожлантириш масалалари бўйича Ҳукумат комиссияси **Ташқи савдо, инвестициялар, маҳаллий саноатни ривожлантириш ва техник жиҳатдан тартибга солиш масалалари бўйича Ҳукумат комиссияси** (кейинги ўринларда – Ҳукумат комиссияси) этиб қайта номлансин.

Белгилансинки, Ҳукумат комиссиясининг ўз ваколатлари доирасида қабул қилган қарорлари давлат органлари ва ташкилотлари, юридик ва жисмоний шахслар томонидан бажарилиши мажбурий ҳисобланади.

11. Ҳукумат комиссиясига ташқи савдонинг техник жиҳатдан тартибга солиш соҳасида кўйидаги **вазифалар** юклатилсин:

халқаро стандартларни ва техник регламентларни жорий этиш, қўллаш ҳамда техник жиҳатдан тартибга солиш талабларига риоя этиш даражасидан келиб чиққан ҳолда, корхона ва тармоқ раҳбарларига нисбатан **рағбатлантириш ёки интизоимий чоралар кўриб бориш**;

техник жиҳатдан тартибга солиш соҳасидаги норматив ҳужжатлар талабларига мувофиқлиги тасдиқлангани шарт бўлган маҳсулотлар рўйхатларига **ўзгартириш ва қўшимчалар киритиш**;

ҳавфлилик даражаси юқори бўлган айрим турдаги маҳсулотларни давлат рўйхатидан ўтказиш тартибини ҳамда бундай маҳсулотлар рўйхатини **тасдиқлаш**, уларга **ўзгартириш ва қўшимчалар киритиш**; маҳаллий корхоналарнинг халқаро стандартларни харид қилиш ва жорий этиш билан боғлиқ харажатларни қоплаш тартибини тасдиқлаш;

Техник жиҳатдан тартибга солиш агентлиги ва унинг ташкили тузилмасига қирадиган идоравий мансуб ташкилотлар ходимлари учун қўшимча (меҳнатга ҳақ тўлаш тизимида назарда тутилган тўловларидан ташқари) тўловларини белгилаш.

Ҳукумат комиссияси йиғилишларида техник жиҳатдан тартибга солиш тизимини янада ривожлантириш бўйича амалга ошириладиган чора-тадбирлар ижроси **ҳар чорақда муҳокама этиб борилсин**.

12. **2021 йил 1 сентябрдан** бошлаб техник жиҳатдан тартибга солиш, стандартлаштириш, сертификатлаш ва метрология соҳаларида содир этилган ҳуқуқбузарликлар учун:

а) маҳсулотларга нисбатан қонунчилик ҳужжатларида ва техник регламентларда белгиланган мажбурий талабларга ишлаб чиқарувчи ёки олиб кирувчи томонидан риоя этилмаган ҳолларда **юрidik шахсларга**:

ҳуқуқбузарлик **огоҳлантиришдан сўнг биринчи марта** содир этилганда – реализация қилинган маҳсулот қийматининг **50 фоизгача** миқдорда **молиявий жарима**;

ушбу ҳуқуқбузарлик содир этилган кундан бошлаб бир йил давомида такроран содир этилганда – реализация қилинган маҳсулот қийматининг **100 фоизгача** миқдорда **молиявий жарима**;

б) қонунчилик ҳужжатлари, техник регламентлар, стандартлаштиришга доир норматив ҳужжатларнинг мажбурий талаблари, метрология, сертификатлаштириш ва мувофиқликни баҳолаш қоидалари бузилган ҳолларда **мансабдор шахсларга**:

ҳуқуқбузарлик **огоҳлантиришдан сўнг биринчи марта** содир этилганда – базавий ҳисоблаш миқдорининг **40 бараваригача** миқдорда маъмурий жарима;

шундай ҳуқуқбузарлик учун маъмурий жазо чораси қўлланилганидан кейин бир йил давомида **такроран** содир этилганда – базавий ҳисоблаш миқдорининг **80 бараваригача** миқдорда маъмурий жарима қўрилишида таъсир чоралари белгилансин.

Бунда, қонунчилик ҳужжатлари ва техник регламентларда белгиланган мажбурий талабларга номувофиқ деб топилган маҳсулотлар эркин муомаладан чиқарилиши ва йўқ қилиниши лозим. Молиявий жариманинг тўланиши мазкур талабнинг бажарилишидан овоз этмайди.

Инвестициялар ва ташқи савдо вазирлиги Адлия вазирлиги ва Олий суд билан биргаликда Маъмурий жавобгарлик тўғрисидаги кодекс ва бошқа қонунларга мазкур банддан келиб чиқадиган ўзгариш ва қўшимчаларни киритиш бўйича қонун лойиҳасини Вазирлар Маҳкамасига киритсин.

13. **2021 йилда сифат миллий инфратузилмасини ривожлантириш бўйича “йўл харитаси”** 1-иловага мувофиқ тасдиқлансин.

14. Қўйидагилар: **қурилиш вазири Б. Закиров** зиммасига – қурилиш материаллари, қурилиш индустрияси, шу жумладан, лойиҳалаш ва конструкциялаш бўйича; **қишлоқ хўжалиги вазири Ж.Ходжаев** зиммасига – қишлоқ хўжалиги маҳсулотлари, қишлоқ хўжалиги ва мелиорация техникаси бўйича;

Экология ва атроф-муҳитни муҳофаза қилиш давлат қўмитаси раиси А.Мақсудов зиммасига – табиий ресурслардан фойдаланишни тартибга солиш ҳамда атроф-муҳитни ифлосланишдан ва бошқа зарарли таъсирлардан муҳофаза қилиш бўйича;

Саноат хавфсизлиги давлат қўмитаси раиси Б.Гулямов зиммасига – ускуна ва буюмларнинг саноат ва фойдаланиш хавфсизлиги бўйича техник жиҳатдан тартибга солиш соҳасидаги мажбурий талабларнинг бажарилишини, маҳсулотлар хавфсизлигини ва мувофиқликни тасдиқлашни ташкил этиш ҳамда таъминлаш юклансин.

15. Қўйидагиларга: **инвестициялар ва ташқи савдо вазирининг ўринбосарлари А.Войтов, Л.Қудратов ва Б.Абидова** – техник жиҳатдан тартибга солиш соҳасини халқаро андозалар, шу жумладан, Жаҳон савдо ташкилоти, Евроосиё иқтисодий иттифоқи, Европа Иттифоқи ва Мустақил Давлатлар Ҳамдўстлиги амалиёти асосида такомиллаштириш учун хорижий ҳамкорларни ва инвестицияларни жалб қилиш юзасидан; **Давлат божхона қўмитасининг раиси М.Азимовга** – чегара божхона постларида назорат тартиботларини бажаришда санитария-эпидемиология, фитосанитария ва ветеринария назорати органлари фаолиятининг самарали ва оператив мувофиқлаштирилишини таъминлаш, маҳсулот-

Ўзбекистон Республикаси

Президенти

Тошкент шаҳри,
2021 йил 2 июнь

Ш.МИРЗИЁЕВ

Ўзбекистон Республикаси Президентининг ҚАРОРИ

ЎЗБЕКИСТОН РЕСПУБЛИКАСИ ИНВЕСТИЦИЯЛАР ВА ТАШҚИ САВДО ВАЗИРЛИГИ ҲУЗУРИДАГИ ЎЗБЕКИСТОН ТЕХНИК ЖИХАТДАН ТАРТИБГА СОЛИШ АГЕНТЛИГИ ФАОЛИЯТИНИ ТАШКИЛ ЭТИШ ЧОРА-ТАДБИРЛАРИ ТЎҒРИСИДА

даги бошқа ташкилотларнинг тузилмасига бошқарув ходимларининг чекланган умумий сони доирасида ўзгартиришлар киритиш; зарур ҳолларда, Вазирлар Маҳкамаси билан келишилган ҳолда Техник жиҳатдан тартибга солиш агентлигига бюджетдан ташқари маблағлар ҳисобидан қўшимча штаб билрилари ажратиш;

меҳнат бозорининг амалдаги конъюктурасини ҳисобга олган ҳолда, тор доирадаги мутахассисларни шартнома асосида Техник жиҳатдан тартибга солиш агентлигига ишга жалб этиш ҳуқуқи берилсин.

5. Белгилансинки: Техник жиҳатдан тартибга солиш агентлиги “Ўзстандарт” агентлигининг ҳуқуқлари, мажбурийатлари ва шартномалари, шу жумладан, халқаро шартномалари бўйича ҳуқуқий вориси ҳисобланади;

Техник жиҳатдан тартибга солиш агентлиги ва Техник жиҳатдан тартибга солиш, стандартлаштириш, сертификатлаштириш ва метрология соҳасида давлат назорати департаменти ходимлари меҳнатга ҳақ тўлаш шарт-шароитларига кўра Инвестициялар ва ташқи савдо вазирлиги марказий аппарати ходимларига тенглаштирилади;

Техник жиҳатдан тартибга солиш агентлиги бош директори Вазирлар Маҳкамаси томонидан инвестициялар ва ташқи савдо вазирининг тақдимномасига асосан лавозимга тайинланади ва лавозимидан овоз этилади;

Техник жиҳатдан тартибга солиш агентлиги бош директори ўринбосарлари ҳамда унинг таркибидagi тизим ташкилотлари раҳбарлари агентлик бош директори тақдимномасига асосан инвестициялар ва ташқи савдо вазирлиги томонидан лавозимга тайинланади ва лавозимидан овоз этилади;

Техник жиҳатдан тартибга солиш агентлиги бош директори вақоми, меҳнатга ҳақ тўлаш, моддий рағбатлантириш, тиббий ва транспорт хизмат кўрсатиш шартлари бўйича вазирнинг биринчи ўринбосарига тенглаштирилади;

Техник жиҳатдан тартибга солиш агентлиги бош директорининг биринчи ўринбосари лавозимига ўриндошлик асосида Инвестициялар ва ташқи савдо вазирлиги ходимини тайинлашга рўхсат этилади;

техник жиҳатдан тартибга солиш, стандартлаштириш, сертификатлаш ва метрология соҳасидаги қонунчилик ҳужжатлари талаблари бузилганлиги учун молиявий ва маъмурий жарималар Техник жиҳатдан тартибга солиш агентлигининг махсус жамғармасига тўлиқ ўтказилади ва ушбу маблағларнинг **50 фоиздан** кам бўлмаган қисми маҳаллий корхоналар томонидан халқаро стандартларни харид қилиш ва жорий этиш билан боғлиқ харажатларни қоплаш учун йўналтирилади;

Мувофиқликни баҳолаш органларини аккредитациядан ўтишга буюртма беришда синов лабораторияларининг аккредитация соҳасига ташқи кўрик тавсифларини (инструментал ва органолептик таҳлиллардан ташқари) киритиши талаби бекор қилинади;

мувофиқликни баҳолаш органлари ходимларини сифат бўйича эксперт-аудиторликка аттестациядан ўтказиш ва сертификатлаштириш мажбурий талаблари бекор қилинади;

қонунчилик ҳужжатларида мувофиқликни баҳолаш хизматларини кўрсатиш учун ягона идораларни белгилашга (мудофаа ва

давлат хавфсизлигини таъминлаш мақсадларидан ташқари) йўл қўйилмайди.

7. Қўйидагиларга:

Стандартлар институтига халқаро стандартлаштириш ташкилотлари ва хорижий давлатларнинг стандартлаштириш идораларининг қоидалари ва шартномаларига мувофиқ, халқаро ва хорижий давлатлар стандартларини республикада тарқатишга ва ушбу ташкилотларга бадалларни тўлаб беришга;

Стандартлар институти ва Миллий метрология институтига илмий-техник лойиҳалар раҳбарлигига илмий даражага эга ходимларни (фан номзодлари, фалсафа докторлари (PhD), фан докторлари (DSc) фуқаролик-ҳуқуқий шартномалар асосида **жалб этишга рўхсат берилсин**.

8. Инвестициялар ва ташқи савдо вазирлигининг стандартлаштириш, мувофиқликни баҳолаш, аккредитация ва метрология соҳасида фаолият юритувчи ходимларга ойлик иш ҳақи тўланишида, тегишли йўналиш бўйича 7-иловада келтирилган халқаро ва хорижий ташкилотларнинг билим даражасини тасдиқловчи сертификатига эга бўлганда унинг амал қилиши даврида, бироқ 2 йилдан кўп бўлмаган мuddат давомида, ойлик маошига нисбатан – 20 фоиз, эксперт сифатида рўйхатга олинганда ойлик маошига нисбатан – 40 фоиз миқдорда қўшимча устама ҳақ тўлаш тизимини жорий этиш ҳақидаги тақлифга розилик берилсин.

9. Ўзбекистон Республикаси Давлат бюджети маблағлари ҳисобидан харид қилинадиган **эталонлар рўйхати** 8-иловага мувофиқ тасдиқлансин.

Молия вазирлиги Давлат бюджети параметрларини шакллантиришда мазкур қарорнинг 8-иловасида қайд этилган йил-

жиҳатдан тартибга солиш агентлиги ва унинг тизимидagi ташкилотлар томонидан кўрсатиладиган хизматларни ахборот-коммуникация технологиялари орқали тўлиқ автоматлаштириш чораларини кўрсин;

в) хорижий давлатларнинг техник жиҳатдан тартибга солиш соҳасида фаолият олиб борувчи етакчи ташкилотларида Техник жиҳатдан тартибга солиш агентлиги ва унинг тизим ташкилотлари мутахассисларини ўқитиш ва малакасини ошириб бориш бўйича самарали тизимни жорий этсин;

г) манфаатдор вазирлик ва идоралар билан биргаликда **икки ой мuddатда** Вазирлар Маҳкамасига:

Техник жиҳатдан тартибга солиш агентлиги тўғрисидаги ва Техник жиҳатдан тартибга солиш, стандартлаштириш, сертификатлаштириш ва метрология соҳасида давлат назорати департаменти тўғрисидаги низом лойиҳаларини;

Ўзбекистон Республикасининг “Маҳсулот ва хизматларни сертификатлаштириш тўғрисида”ги, “Мувофиқликни баҳолаш тўғрисида”ги ва “Техник жиҳатдан тартибга солиш тўғрисида”ги амалдаги қонунлари нормаларини ўз ичига олувчи янги “Техник жиҳатдан тартибга солиш тўғрисида”ги қонун лойиҳасини, шунингдек, янги таҳрирдаги “Стандартлаштириш тўғрисида”ги ва “Мувофиқликни баҳолаш органларини аккредитациядан ўтказиш тўғрисида”ги қонун лойиҳаларини киритсин;

д) саноат тармоқларида ташкил этиладиган лабораторияларни халқаро аккредитациядан ўтказишга қўмақлашин.

13. Ўзбекистон Республикаси Президентининг айрим қарорларига 9-иловага мувофиқ ўзгартириш ва қўшимчалар киритилсин.

14. Техник жиҳатдан тартибга солиш агентлиги манфаатдор вазирлик ва идоралар билан биргаликда **икки ой мuddатда** мазкур қарордан келиб чиқадиган ўзгариш ва қўшимчалар тўғрисида Вазирлар Маҳкамасига тақлифлар киритсин.

15. Мазкур қарорнинг ижросини назорат қилиш Ўзбекистон Республикасининг Бош вазири А.Н.Арипов ва Ўзбекистон Республикаси Бош вазирининг ўринбосари С.У. Умурзаков зиммасига юклансин.

Ўзбекистон Республикаси

Президенти

Тошкент шаҳри,
2021 йил 2 июнь

Ш.МИРЗИЁЕВ

Сурхондарёда янги анорзорлар, зайтун плантациялари барпо қилинади

Қурилиш материаллари ўқув маркази ташкил этилади.

СУРХОНДАРЁ ВИЛОЯТИНИ КОМПЛЕКС РИВОЖЛАНТИРИШ ВА АҲОЛИ ФАРОВОНЛИГИНИ ОШИРИШ БЎЙИЧА УСТУВОР ВАЗИФАЛАР БЕЛГИЛАБ БЕРИЛДИ

(Боши 1-саҳифада)

“Термиз” эркин иқтисодий зонаси ва Термиз халқаро савдо марказини Осиё давлатлари учун экспорт маҳсулотлари ишлаб чиқариш ва сотишга хизмат қиладиган асосий майдончага айлантириш вазифаси қўйилди.

Президент етарли эътибор берилмаётган яна бир муҳим масала – маҳаллий sanoat корхоналари билан жиғдий шугуланиш кераклигини қайд этди. Уларни қўллаб-қувватлаш учун импорт ўрнини босувчи ижтимоий-машиий товарлар ишлаб чиқарувчи маҳаллий sanoat корхоналарини мамлакатимизда ишлаб чиқарилмайдиган хомашё ва ярим фабрикатларни импорт қилишда 2026 йил 1 июлгача боғжона тўловларидан озод қилиш, вилоятда sanoat соҳаларини жадал ривожлантириш учун махсус Мувофиқлаштирувчи кенгаш тузиш таклифини билдирди.

Инвестиция лойиҳаларининг 3 триллион 121 миллиард сўмлиги қишлоқ хўжалиги соҳасига оид. Хусусан, 1 минг гектар иссиқоналар ташкил этишга 950 миллиард сўм йўналтирилади. Олтинсой, Узун, Бандихон, Денов, Жарқўрғон, Музработ, Термиз ва Сарийосиё туманларида зайтун плантациялари, Шеробод, Музработ ва Қизирикда анорзорлар барпо этилади.

Йиғилишда Сурхондарё вилоятининг 60 та сектор раҳбари ўз худудидagi маҳаллаларда “ўсиш нуқталари”ни белгилаб, уларни ривожлантириш учун иш вақтининг камида 50 фоизини маҳаллада ўтказиш, томорқадан оқилана фойдаланиш бўйича янги тизим яратилиши қайд этилди.

– Сурхондарё мисолида томорқадан самарали фойдаланиш бўйича хонадон эгаси – тайёрловчи корхона – қайта

ишловчи ва экспортёрларни боғловчи, янги яхлит тизим яратамиз. Бунинг учун унумдорлиги паст, галладан бўшайдиган майдонлардан томорқа ер эгаларига сабзавот-полид маҳсулотлари етиштириш учун ўртача 15-20 сотихдан 10 йил муддатгача ижарага ер беришнинг ҳуқуқий асослари ишлаб чиқилади. Ушбу ажратилган ерларда етиштирилаётган маҳсулотларга мева-сабзавот ва томорқа кластерлари бюуртма беради, – деди Шавкат Мирзиёев.

Бюуртмачилар маҳсулот етиштириш учун барча моддий ресурслар билан таъминлайди ва етиштирилган маҳсулотни сотиб олади.

Мазкур мева-сабзавот кластерлари фаолияти самарадорлигини ошириш ва яна янги кластерларни ташкил этиш бўйича “йўл харитаси” ишлаб чиқилади. 60 та секторнинг ҳар бирида томорқадa маҳсулот етиштирувчи хонадонларни кластерлар билан боғловчи, тайёрловчи корхоналар ташкил этилади. Ушбу корхоналар томорқа ер эгаларидан етиштирилган маҳсулотни сотиб олади ва саралаб кластерларга экспорт қилиш ҳамда қайта ишлаш учун беради.

Кластерлар томонидан томорқадa етиштирилган маҳсулотларни ташқи бозорларда сотишни ташкил этиш учун Россиядаги элчиҳонамиз ва ваколатхоналарда Сурхондарё вилояти вакиллари фаолиятини йўлга қўйиш кераклиги таъкидланди.

Йиғилишда вилоятга тадбиркорлик ва ўзини ўзи банд қилишни кенгайтириш учун оилавий тадбиркорлик ҳамда хизмат кўрсатишни ривожлантириш дастурлари доирасида 727 миллиард сўм кредит ажратилиши маълум қилинди.

Жорий йилда жамоат ишлари, кооператив ва томорқа хўжалигида 50

минг нафар ишсизнинг бандлигини таъминлаш вазифаси қўйилди. Бунга Бандликка кўмаклашиш ва Жамоат ишлари жамғармаларидан 32 миллиард сўм ажратилиши белгиланди.

Давлатимиз раҳбари ижтимоий инфраструктурани ривожлантириш масалаларига ҳам алоҳида тўхталди.

Бу йил вилоятда “Обод қишлоқ” ва “Обод маҳалла” дастури доирасида 483 та қишлоқ ва маҳаллада ободлаштириш ишлари олиб борилмоқда. Бунинг учун 1,6 триллион сўм маблағ ажратилган.

1 минг 230 километр йўллар таъмирланиши, яна минг километр электр тармоғи тортилиши қайд этилди.

Президент яқин 2-3 йилда вилоятда 1,5 миллион аҳолининг ичимлик суви муаммоларини тўлиқ ҳал қилиш, бунинг учун “Тўпалан” сув омборидан 400 километр магистрал тармоқлар тортиш бўйича лойиҳа ишлаб чиқиш зарурлигини таъкидлади.

Молия вазирлигига вилоятда ижтимоий, коммуникация ва йўл инфраструктурасини ривожлантиришга 2021 йил учун қўшимча 200 миллиард сўм ажратиш бўйича кўрсатма берилди.

Президентимиз вилоятнинг миллий кадриятларини янада ривожлантиришга ҳам алоҳида эътибор қаратди. Хонадонларда қорабалиқ отлар, дўппилар, думбира бўлиши ўзгача файз бериши айтилди. Сурхондарёда чавандозлик мактабини ташкил этиш топшириғи берилди. Келгуси йил йилкчилик, думбира, дўппи каби миллий кадриятларимиз бўйича Наврўз сайли Сурхондарё вилоятида бўлишини таъкидлади.

Йиғилишда шаҳар ва туман студияларидаги аҳоли билан очиқ мулоқот бўлди.

Президент Шавкат Мирзиёев Термиз шаҳрида қурилган кўп қаватли уйларни

бориб кўрди.

Ушбу 9 қаватли уйларда 208 та хонадон бор. Бино фасади уч қопламадан иборат бўлиб, уйлар қишда иссиқ, ёзда салқин бўлади. Ҳар бир хонадон алоҳида иситиш қозони билан жиҳозланган. Биринчи қаватда савдо ва сервис шохобчалари жойлашган.

Уйларга хизмат кўрсатиш учун бошқарув компанияси ташкил этилган. У ерда электр, газ, лифт ва сантехника усталари навбатчилиги йўлга қўйилади. Шунингдек, компания ҳузурида ўқув маркази ҳам бўлиб, ёшлар кўп қаватли уйларга хизмат кўрсатадиган ишчи касбларни ўрганиши мумкин.

Бу ерга илк оилалар кўчиб кела бошлади. Уларнинг айримлари хонадонларни давлат томонидан берилган имтиёзлар асосида олган.

Давлатимиз раҳбари шундай икки оила – Нарғиза Раҳимова ҳамда Фаррух Эгамовнинг хонадонларида бўлиб, улар билан суҳбатлашди.

– Сийёсатимизнинг энг катта талаби маҳаллаларда юриб, одамларнинг муаммоларини эшитиб, уларни ҳал этиш. Бугун ҳам Сурхондарё бўйича катта режалар белгиладик. Ҳаммасининг тағида битта нарса – инсон маффаати бор. Энди бу уйларни аҳолига адолатли бериш керак. Адолат бўлса, кадрига етади, – деди Шавкат Мирзиёев.

Умуман, бу йил Сурхондарё вилоятида 3 минг 500 квартиралар кўп қаватли уйлар қурилади. 1 минг 460 та оилага ипотека учун субсидия берилади.

Шу билан Президентимизнинг Сурхондарёга ташрифи якунига етди.

Матназар ЭЛМУРОДОВ,
Зиёдулла ЖОНИБЕКОВ,
Холмуҳаммад МАМАТРАЙИМОВ,
ЎЗА мухбирлари.



От ўрнини той босар ёҳуд “Бобомдан қолган далалар...”

(Боши 1-саҳифада)

2000 йилнинг февраль ойи эди, ўшанда. Томорқадан унумли фойдаланиш мавзусида мақола тайёрлаш мақсадида ана шу худудларга бориб қолдим. Маҳалла раиси мени ягона иссиқоналар бор бир ҳовлига олиб кирди. Ташқарида қор, ичкаридаги баҳорни кўриб, лол қолганим, тўғриси. Барқ уриб ўсаётган помидор, булғор ва ачиқ қалампир, қарам кўчатларининг дуркунлиги оила соҳиблари Раҳимжон ака ва турмуш ўртоғи Зулфияхон аяларнинг кечани кеча демай қилган меҳнатлари самарасидан далолат бериб турарди. Ўшанда кўп қаватли қишлоқларни кўчат билан таъминлаб, йиллиги камида 10 миллион сўмдан ошириб даромад олаётган Раҳимжон акадан келгуси режа, орзулари ҳақида сўраганимда, мен ҳам мулкдор бўлсам, бир вақтлар боболаримга қарашли далаларда эмин-эркин меҳнат қилсам, фермерчиликни ривожлантирсам, дея жавоб берганди. Яхши ният ярим давлат, деган нақл бежиз айтилмаган экан. Йиллар ўтиб ер билан тиллашадиган оиланинг елкасига бахт қўши қўнди. Мамлакат мустақил бўлган, ширкат хўжалиқлари ўрнида фермер хўжалиқлари ташкил қилинди. Раҳимжон ака ҳам тендерда қатнашиб, ғолиб бўлди. Боболаридан қолган ерга эга чикди. Дастлабки деҳқончилик йиллиги ундан-бундан техника, мослама сўраб юрган фермернинг бугун барча хавас қилгудек техникалар жамланмаси бор. Пахта, ғалла, пилла етиштириш борасида катта тажриба орттирган. 2020 йилда гектар ҳисобига 70 центнердан дон, 38 центнердан sanoatбop хомашё етиштирди.

– Хўжалигимиз ривожидa механизатор Аҳмаджон Сайдалиев, суви ва пудратчилар Абдурашул Мамадалиев, Абдуллажон Исмолов, Хатиррахон Мадрохимова, Холисахон Ташабоеваларнинг ҳиссаси катта. Улар бошқаларга ўрнак кўрсатиб меҳнат қилмоқда. Жорий йилда 10 қўти ипак қўртини парваришлаб, 652 кг. пилла топширдик. 25 гектар майдондаги “Первица” навли буғдойнинг ҳар гектаридан 75 центнердан хирмон уйишни кўзлаб турибмиз. 40 гектарлик пахта даламизнинг ҳар гектаридa 100 минг туддан ғўза ниҳолларини сақлаб қолтишга муваффақ бўлдик. Бу жорий йилда ҳам ҳосилдорлик 40 центнердан кам бўлмайди, дегани, – дейди фермер хўжалиги етакчиси Аббосбек Алимқулов.

– Ёшим 65 дан ошди. Фермер хўжалигига етакчилик қилишни ўғлим Аббосбекка топширдим. Бир кун дала ораламасам ланжлик сезаман. Аргамчиға қил қувват бўлганидек, доим ўғлимнинг ёнидаман. Билганларимни ўргатаман. Янгиликлардан мени ҳам боғлар қилиб туради. Далаларимиз азалдан сув муаммоси бор худуд ҳисобланади. Шу боис ҳам айни кунларда ер ости сувида фойдаланиш чора-тадбирларини тузаяпмиз. Хўжалик қошида интенсив боғ, сутчилик йўналишида чорва мол парварилашга бел боғлаб турибмиз, – дейди Раҳимжон ака Алимқулов.

Равшанбек МИРЗАОЛИМОВ,
“Qishloq hayoti” мухбири.

Эслатма

Чўмилиш таъқиқланган жойларда чўмилманг!

Орамизда қайноқ ёз мавсумини яхши кўрмайдиган, уни интиқ кутмайдиган инсон бўлмаса керак? Айниқса, иссиқ кунлари танага ҳузур берувчи анҳору сойлар, сузиш ҳавзалари чинакамига роҳат.

Аммо ҳар ненинг ўз йўриғи бўлганидек, чўмилишнинг ҳам ўзига хос қоидалари бор. Буни пухта ўрганиб олиш зарур. Аввало “Хавфли”, “Чўмилиш таъқиқланади” сўзлари ёзилган жойларда чўмилманг, сувдаги тўсиш белгиларидан ўтиб сузманг! Маторли, елканли, эшакли кемаларга яқинига сузиб борманг!

Сақраш учун мосланмаган иншоотлардан ҳамда чуқурлиги номаълум бўлган сувга сақрамаганингиз маъқул. Маст ҳолда чўмилиш, фарзандларни назоратсиз қолдириш ҳам ярамайди.

Сузиш учун автомобил кемалари, тахтачалар ва шу кабилардан фойдаланманг! Хайвонларни олиб келиб, чўмилтириш, сайр қилдириш ҳам қоидаларга зиддир. Шунингдек, сув ҳавзаларини ифлос қилиш, қирғоқда ахлатларни қолдириш, шиша ва бошқа хавфли буюмларни пляжда қолдириш ҳам мутлақо ярамас ишларини унутманг! Лўнда қилиб қайтганда, белгиланган қойдаларга итоат этган ҳолда хордиқ чиқаринг!

Файзуллаҳўжа МАХМУДОВ,
Тошкент тумани ФВБ ФВДТ ва ФМ бўлинмаси бошлиғи, лейтенант.

АНДИЖОН ВИЛОЯТИ

“Фермерга мадағ” акциясига старт берилди

Акция жорий йилнинг июнь-декабрь ойларида соҳа мутахассислари иштирокида тузилган ишчи гуруҳлар томонидан республикамизнинг барча худудларида ўтказилади.

Акция доирасида Пахтаобод тумани адлия бўлими томонидан ҳам фермер хўжалиқлари фаолиятида маъмурий буйруқбозлик, мансабдор шахсларнинг фермерлар ишига аралашувининг олдини олиш, ҳомийлик ишларига мажбурлаш, пул маблағларини ўзбошимчалик билан олиб қўйиш, уларнинг шаъни ва кадр-қийматини камситишга йўл қўймаслик, фермерларни қийнаётган муаммолар-

ни таҳлил қилиш, уларга ҳуқуқий маслаҳатлар бериш каби ишларни амалга ошириш режалаштирилган.

Фермерларнинг мурожаатлари анъанавий шаклда ҳамда 1008 – ишонч телефони, @fermermadadbot махсус телеграм-боти орқали ва сайёр, уйма-уй қабул қилинади. Шунингдек, фермер хўжалиқлари ташкилий-ҳуқуқий, ишлаб чиқариш ва хўжалик, шартномавий-ҳуқуқий ва меҳнат

муносабатлари, ер соҳаси, маъмурий бошқарув, банк, молия ва солиқ йўналишларида қонунчилик хатловидан ўтказилади. Хорижий тажриба ва миллий амалиёт ўрганилиб, соҳани ислоҳ қилиш бўйича таклифлар тайёрланади.

Акция жараёни ва якуни бўйича мунтазам ахборот бериб борилди.

Ғафуржон САЛОМОВ,
Пахтаобод тумани адлия бўлими бошлиғи.

Қурилиш материаллари sanoatини жадал ривожлантириш масалалари муҳокама қилинди

Ўзсаноатқурилишбанк Бош офисидa “Ўзсаноатқурилиш материаллари” уюшмаси масъуллари иштирокида ҳукуматимиз томонидан мамлакатимизда қурилиш материаллари sanoatидagi таркибий ўзгаришларни янада чуқурлаштириш йўлида берилган топшириқлар ижросига базишланган учрашув бўлиб ўтди.

Жорий йилнинг 30 апрель куни Президентимиз раислигида худудларда маҳаллий sanoatни ривожлантириш чора-тадбирлари муҳокамасига бағишлаб ўтказилган видеоселектор йиғилишида бу бордаги ишларни “ички талабни ўрганиш – импортни таҳлил қилиш – ресурс базасини аниқлаш – янги лойиҳалар ишлаб чиқиш” занжири асосида ташкил этиш юзасидан зарур топшириқлар берилган эди.

Унга кўра, соҳани ривожлантиришда бошқарув компания сифатида иш бошлаган Ўзсаноатқурилишбанк томонидан алоҳида чора-тадбирлар ишлаб чиқилиб, дастлабки ишлар амалга оширилди.

Учрашувда банк Бошқаруви раиси Саҳи Аннакличев 2021-2023 йиллар давомида қурилиш материаллари sanoatини жадал ривожлантириш мақсадида шакллантирилган умумий қиймати 5,25 млрд. долларлик 1019 та лойиҳа махсус ишчи гуруҳ томонидан

ўрганилаётгани, шу кунга қадар Фарғона, Хоразм, Сурхондарё вилоятлари ҳамда Қорақалпоғистон Республикасидagi лойиҳалар тўлиқ кўриб чиқилганлиги таъкидланди.

Шунингдек, банкнинг минтақавий филиалларида қурилиш материаллари ишлаб чиқаришни ривожлантириш мақсадида консалтинг марказлари ташкил қилиниб, уларга геолог, технолог ва лойиҳачилардан иборат мутахассислар жалб этилганлиги айтиб ўтилди.

Эндиликда “Ўзқурилишматериал-ЛИТИ” илмий-тадқиқот ва инжиниринг марказида мутахассисларнинг малакасини ошириш ва қайта тайёрлаш мақсадида Қурилиш материаллари ўқув маркази ташкил этилади.

Тадбиркорлик соҳасига энди кириб келаётган ёшлар учун 65 та маҳсулот тури бўйича амалий-услубий қўлланмалар яратилади.

BCG, Deloitte каби нуфузли халқаро



компаниялар экспертларини жалб этган ҳолда, соҳани жаҳон стандартлари даражасида ривожлантириш дастури ишлаб чиқилади.

Бундан ташқари, Банк томонидан қурилиш соҳасидаги лойиҳаларни молиялаштиришга зарур кредит ресурсини шакллантириш учун 300 млн. долларлик евро облигацияларни эмиссия қилиш ишлари тезлаштирилмоқда.

Лойиҳаларни кредитлашга банк орқали Ўзбекистон тикланиши ва тараққиёт жамғармасидан қўшимча 200 млн. доллар миқдоридa маблағларни олиш мақсадида шартнома тузилади.

Етачки хорижий олийгоҳларни жалб

қилган ҳолда, қурилиш материаллари соҳаси учун малакали ва зарур кўникмаларга эга мутахассисларни тайёрлаш йўлга қўйилмоқда.

Ҳозирда бу борада Тошкент кимё технология институтида Германия ва Россиянинг нуфузли университетлари билан бирга 5 та янги йўналишда ўқишни ташкил этиш, Тошкент архитектура ва қурилиш институти билан эса Туркиянинг итхиссослашган олийгоҳларини жалб этган ҳолда муҳандис ва технологлар тайёрлашни йўлга қўйиш бўйича тегишли вазирликлар билан ишлар амалга оширилмоқда.

Учрашувда жорий йилнинг 1 июлига

қадар барча инвестиция лойиҳаларини ўрганиш ҳамда қурилиш материаллари sanoatини кўллаб-қувватлаш мақсадида ишлаб чиқилаётган 4 та янги банк маҳсулотини жорий қилиш ишларини тўлиқ якунлаш белгилаб олинди.

65 та маҳсулот тури бўйича хомашё базаси ва фойдаланиладиган асбоб-ускуналар, шунингдек, ишлаб чиқаришнинг атроф-муҳитга таъсири каби маълумотларни ўз ичига олган алоҳида амалий-услубий қўлланмаларни яратиш лозимлиги белгилаб олинди.

Худудлардаги мавжуд хомашё базасини, туманларда қурилиш материалларига бўлган талаб ҳамда мавжуд ишлаб чиқариш қувватлари ва қурилиш компанияларини ўрганиш юзасидан вазифалар тақсимланди.

Худудларда қурилиши бошланган ва қурилиши режалаштирилаётган объектларнинг манзилли рўйхатларини шакллантириш, қурилиш материаллари ишлаб чиқарувчи корхоналар ва уларнинг ишлаб чиқариш қувватларини ўрганиш саъй-ҳаракатларини жадаллаштириш бўйича топшириқлар берилди.

“Ўзстандарт” агентлиги билан қурилиш материаллари ишлаб чиқаришга итхиссослашган туманларда замонавий лабораториялар ташкил этиш ҳамда корхоналарнинг раҳбар ва ходимларини халқаро сифат талаблари ҳамда стандартларига ўргатиш тизимини яратиш мақсадида ҳамкорликдаги ишлар қизғин бораётгани айтиб ўтилди.

Банк Ахборот хизмати

Юз нервини
шамоллатиб қўйманг!

"Мактаб – ҳаётим" бадий фильмининг
махсус намойиши бўлиб ўтди

КОРРУПЦИЯ АДОЛАТСИЗЛИККА ЙЎЛ ОЧАДИ

Инсонни қийин аҳволга туширадиган, руҳан эзадиган ҳолатлар ичида энг оғири адолатсизлик, десак хато бўлмас керак? Унинг бир илдизи коррупция билан боғлиқ бўлиб, бу шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб, моддий наф олиш мақсадида қонунга хилоф равишда фойдаланиши ифдаланади.

Президентимиз Шавкат Мирзиёев халқимиз азалдан юсак қадрлаб келадиган, ҳамма нарсдан устун қўядиган адолат тушунчасини ҳаётимизда янада кенг қарор топтириш биринчи даражали вази-фа эканига алоҳида эътибор қаратмоқда. Жамиятимизда коррупция, турли жиноятларни содир этиш ва бошқа ҳуқуқбузарлик ҳолатларига қарши курашиш, уларга йўл қўймастик, жиноятга жазо муқаррар экани уқтирилмоқда.

"Коррупцияга қарши курашиш тўғрисида"ги Қонун коррупцияга барҳам бериш учун барча асосларни яратиб берди.

Жамиятда коррупцияга нисбатан муро-сасиз муносабатни қарор топтириш ўта дол-зарб масаладир. Гарчи уни бажариш учун масъул идоралар белгиланган бўлса-да, унинг тўлақонли рўёбга чиқиши учун ҳар бир фуқаро ўзида масъулият ҳис этса, қўйилган мақсаду мудоага эришиш мумкин. Ҳар би-ринмиз қаерда, қандай муаммога дуч келсак, унинг ҳал этилишида масъул шахсларнинг масъулиятсизлиги ёки таъмагирлиги гувоҳ бўлганда шароитга бўйсунмиш, индамай ке-тавериш ёхуд чидаш ўрнига бонг уришимиз керак. Масъулиятсизлик, адолатсизликка нисбатан курашишни ўзимиздан бошлашимиз даркор. Шунда мудраётган мансабдор уйғонади, зиммасида қандай масъулият борлигини ҳис этади.

Коррупцияга қарши кураш бу жуда му-рақаб жараёндир. Чунки ўз манфаати йў-

лида ҳеч нарсдан тап тортмайдиган, нафси ва кўзи оч амалдорлар жамиятда учраб турибди. Бундайларда ҳар доим қачондир ва қаердадир нафси ҳакалак отиб кетиш хавфи бўлади. Бу иллатни даф қилиш учун жамиятда қонун устуворлиги асосий масала бўлиши лозим.

Давлат ҳокимияти тизимларининг иш фаолияти шаффоф бўлиши керак ҳамда бу шаффофлик жамоатчилик ва оммавий ахборот воситалари ёрдамида назорат қилиб борилиши лозим. Уларнинг фуқаролар ҳуқуқларини шарҳлаб бориши ва жамиятда ҳуқуқий саводхонлик даражасининг юксалишига ёрдам берувчи мустақил ҳокимият манбаи бўлиши айни мудоа.

Халқимизнинг том маънодаги адолат қарор топган жамиятда яшаш учун нафақат масъул шахслар, балки ҳар бир фуқаро ўз ҳиссасини қўшиши шарт. Бу фуқароларимизда коррупцияга, аниқроқ айтганда, ҳар қандай қонунбузарликка нисбатан муро-сасизлик кайфияти, маданияти шаклланишига ҳам боғлиқ. Чунки ҳар қандай қонунбузарлик содир этилишига, қўлайишига кўп ҳолларда фуқароларимизнинг бефарқлиги, лоқайдли-ги сабаб бўлмоқда. Барчаннинг яқдрилиги, юрт тақдирига дахлдорлиги кучайиши ҳар қандай иллатнинг батамом барҳам топишига хизмат қилади.

Шухрат ЭСОНОВ,
Тошкент вилояти ФББ ўз хавфсизлик
бўлими бошлиғи, подполковник.

«Соғлиқ ўзимизга боғлиқ»

Инсон учун бебаҳо бойлик бу соғлиқ-саломатликдир. Уни асраш кўп жиҳатдан ўз вақтида қилинган муолажаларга бевоқифа боғлиқ. Афсуски, одатда, биз ана шу бебаҳо бойлик бўлган соғлигимизга эътиборсизлик қиламиз ва бунинг натижасида асоратли ҳолатлар келиб чиқади. Масалан, юз нервни неврити ҳақида ҳам шундай дейиш мумкин.

Юз нервни неврити қандай касаллик?

Тиббий амалиёт шуни кўрсатадики, юз нервни фазажнинг соғайиш кўрсаткичи 80-85 фоизни ташкил этади. 5-15 фоиз беморларда юз мушаклар контрактураси, яъни қотиб қолиши мумкин. Демак, илк белгилар кўрингандаёқ шифокорга учраш шарт. Айтиш керакки, ушбу касаллик кенг тарқалган бўлиб, клиникаси юз мушакларида бир томонлама ҳара-катнинг йўқолиши, қулоқ ортида оғриқ туриши, қовоқ тўла юмилмаслиги, оғиз бурчагининг пасайиб кетиши каби қатор белгилар билан характерланади.

Амалиётдан келиб чиқиб шуни ай-тиш керакки, маҳаллий фаол терапия бу нафақат неврологларнинг, балки саломатлик соҳасидаги бошқа мутахассисларнинг ҳам азалий орзусидир. Чунки дори-дармонларнинг узоқ муддатли қа-були кўпинча беморларнинг соғлигига салбий таъсир қилади. Ҳозирги кунда дори терапиясига аллергик реакцияга эга бўлган беморлар сони кўпаяётгани кўзатилади.

Маҳаллий терапия тўғри ишлатилган-

да даволашнинг жуда самарали усули ҳисобланади ва кўп ҳолларда дори пре-паратлари қабулининг бошқа шаклла-рига нисбатан аниқ афзалликларга эга. Амалиётда айрим ҳолларда юз нервни неврити кучайишининг сабабларидан бири ҳам шу дориларга бўлган салбий реакциядир. Яна шу нарсга кўзатиладики, юз нервни невритини даволашда минимал миқдорда дори воситаларидан фойда-ланган ҳолда даволашнинг бошқа усули, хусусан, биологик фаол нуқталарга таъ-сир этиш билан бирга мақсадга эришиш мумкин.

Беморни комплекс даволашда ўн тўрт меридианнинг ҳолати ўрганилди. Биоло-гик фаол нуқталарга таъсир 2-3 аурику-ляр ва 2-3 корпорал нуқталарга таъсир орқали ўтказилди. Таъсирланиш даража-си ўртача ҳолатда қузатилиб, аста-секин 5 босқичгача нуқталар сонини кўпайти-рган ҳолда давом эттирилди. Даволаш пайтида патологик жараён оғирлиги ошган сайин терапиянинг интенсивлиги ошиб боради. Тавсия этиладиган препа-

Янги бадий фильм




Мактаб ва жамият

Ўзбекистон Кинематография агентлиги буюртмасига биноан "Ko'zgi film" студияси томонидан суратга олинган "Мактаб – ҳаётим" бадий фильмининг ОАВ вакиллари, киношодкорлар ҳамда блогерлар учун махсус намойиши бўлиб ўтди. Унга фильм ижодкорлари ҳам тақлиф этилди.

Президентимиз раҳбарлигида 2020 йил 28 август кунини ўтказилган видеоселектор йиғилиши-да "Ўзбекино" миллий агентлигига белгиланган вазифалар ижроси юзасидан суратга олинган мазкур фильмда мактаб ва жамият, ўқитувчи-лар ва ўқувчилар ҳаёти ҳақида ҳикоя қилинади. Шунингдек, картина воқеаларидан турли харак-тердаги ўқитувчиларнинг касбий фаолиятидаги зиддиятлар ва кескин тасодифий вазиятлар ўрин олган.

Кинокартинада ролларни Равшан Жўраев, Тамара Ҳазратқуллова, Аббор Йўлдошев, Бехзод Ҳамроев каби тажрибали актёрлар билан бирга ёш истеъодлар ижро этишган.

Сценарий муаллифи Нурилло Аббосхон, постановкачи режиссёр Илҳом Муҳаммад-иброҳимов, оператор Музаффар Юсупов, бадий раҳбар Рашид Маликов, продюсер Қудратилла Файзуллаев.



ратларининг биологик фаол нуқталарга таъсир қилиш усуллари билан комби-нацияси қўлланган дори препаратлари частотасини минимал даражагача туши-ради. Бу эса ўз навбатида касалликнинг субъектив ва объектив аломатларини йўқ қилишига олиб келади ва касалликнинг клиник ремиссия даврини узайтиради.

Ушбу кичик тадқиқот шуни кўрсатади-ки, рефлексотерапиянинг классик даво-лаш билан комбинацияси оқоро натижага эга. Шунингдек юз нервни функционал ҳолатининг тез тикланиши юз нервни невритининг турли хил яллиғланиш жараён-ларида ремиссия даврининг узайишига хизмат қилди.

Албатта, ҳар қандай дардни даволаш-дан кўра, унинг олдини олган афзал. Бу-нинг учун нима қилмоқ лозим? Аввало, юз нервини шамоллатиб қўймастик учун сочни ювгандан сўнг қуритмасдан ётмас-лик зарур. Совутгич атрофида камроқ туриш ва елвизакдан эҳтиёт бўлиш ҳам ушбу касалликдан сақланиш омилдир.

Мафтуна ЖАББОРОВА,
Самарқанд давлат тиббиёт
институтининг 1-босқич
клиник ординатори.

Беқонур учган отлар

Отлар тўғрисида турли афсона ва ривоятлар қадимдан мавжуд. Уларнинг хислатлари, ўта сезгир ва ҳушёрлиги, инсонга бўлган садоқати ва бошқа ажой-иб хусусиятлари тўғрисидаги мисоллар сон-саноксиз. Биргина "Гўрўғли" досто-нини оладиган бўлсак, душман кутқусини олдиндан сезган Ғиротнинг "қаноти қирқ газ" бўлиб, соҳибининг ёларга қиргин со-лишини таъминлайди. Соҳибқирон Амир Темур Хитойга қилган юришида, унинг лашкарлари қиш пайтида Ўтрор худудида юзаси музлаган дарё кечувида ўтаётган пайтида муз ёрилиб, ҳамма сувага ғарқ бўлади. Ана шунда бир қўли ва бир оёғи жангларда захм еган Амир Темурнинг оти уни дарё қирғоғига соғ-омон олиб чиқади...

Оти борнинг қаноти бор, деб бежиз айтмаган халқимиз. От барча халқлар учун ардоқли саналган. Унинг

ХАЛОСКОР ЖОНИВОРЛАР

бетақор хосиятлари хусусида бахшилар, ижодкорлар томо-нидан юзлаб асарлар яратилгани бежиз эмас. Бу жониворлар ичида қорабайир зотли от ўзининг "универсал"лиги бил-ан ажралиб туради. Лекин биз қуйида қаламга олаётган қорабайирнинг инсон хавфсизлигини таъмин этишдаги ўзига хос улуши ҳақида бир шингил, холос.

Машҳур шоиримиз Ҳамид Олимжон асарида "Беқонур учган отлар" дея Қо-рабайирга нисбат берган бўлса, не ажаб? Таниқли ёзувчи Нусрат Раҳмат ҳам ўз-бекларнинг бу аргумоғи ҳақида қизиқарли мақола ёзган: "Тошкент отчопари. Отлар старт майдонида саф тортган. Булар тур-кманларнинг Ахалтака, русларнинг ри-саги Будёновка ва Латвия оти, ўзбеклар-нинг Қорабайири. Старт тўппончасидан ўқ узилди, қамчилар ҳавога кўтарилди. Қорабайирнинг эгаси командадан беҳа-бар қолган шекилли, отлар анча нари кетгач, юганини бушатди. Қорабайир учун қамчининг кераги йўқ, шунинг ўзи кифоя эди. Ўзбек аргумоғи уларга етиб олди ва анча баравар қолишиб, ҳамма отларни ортда қолдириб кетди. Ўзбек аргумоғи қарсақлар ва олқишларга кўмилиб кетди. Ҳакам натижани эълон қилди. Қорабайир 1600 метр масофани 1 дақиқа-ю 2 сония-да босиб ўтиб, ажойиб рекорд кўрсаткич-га эришган. Ана шу масофани рус рисаги Латвия оти 3 дақиқа-ю 2 сонияда босиб ўтгани маълум бўлди"...

Қорабайир отларнинг довуғи қадим-дан оламга машҳур бўлган. Араб отлари ўзининг учқурлиги ва ихчамлиги билан бошқа отлардан ажралиб туради. Улар Қорабайирнинг авлоди ҳисобланади. Чунки араб лашкарбошиси Қўтайба Са-марқандни босиб олганда, жуда кўп қорабайир отларини ўз ватанига жўнат-ган. Бу отлар Арабистоннинг иқлим шаро-итига мослашиб кетган ва улардан араб отлари вужудга келган. Тарихий фактлар Чингизхоннинг ҳам жуда кўп қорабай-ир отларни ўлжа олганлигидан далолат беради.

Мутахассисларнинг фикрига кўра, ер юзиде қорабайирдек эпчил от йўқ. Қорабайир тез югуришдан ташқари, юк тортиш ва бошқа ҳўжалик юмушлари-ни бажаришда ҳам деҳқонга беминат дастёр. Тоғ ва адирлардан, жуда қалтис ва ноқулай йўллардан бемалол ўтиб ке-таверади. Бошқа кўпгина отларда бундай хислат йўқ. Қишнинг қаҳратон совуғига ҳам, ёзнинг жазирма иссиғига ҳам анча бардошли. Илгари деҳқонларимиз қишлоқ ҳўжалигида отлардан жуда кўп фойдаланган. Чунки қорабайирлар иқти-содий жиҳатдан ҳам анча тежамли экан.

Отнинг сезгирлиги

Отларнинг ажойиб хислатлари бисёр. Қуйидаги ҳикоямиз бу жониворларнинг ер силкинишларини олдиндан сезиши ва инсонларга қилган халоскорлик хизмат-лари хусусида.

Ашҳобода юз берган мудҳиш
9 баллик ер силкинишидан икки соат

олдин отлар оёқлари билан ер тепи-ниб, қаттиқ кишнаганлари ва боғланган арқонларини узиб юборганликлари ҳақидаги маълумотларни кўпчилик ўқиган ёки эшитган бўлса керак. Айтишлари-ча, ўшанда отларни эгалари тутиб, яна жойларига олиб кириб, боғлаб қўйишган. Бироқ ер силкинишига 15 дақиқа қолган-да улар яна арқонни узиб, отхона дарво-засини синдириб қочиб кетган. Шундан бир неча дақиқа ўтиб-ўтмай, ер қаттиқ силкиниб, отхона босиб қолган.

Отлар ер силкиниши каби табиий офатларни олдиндан билишидан ташқа-ри, айрим кўнгилсиз ҳодисаларга ҳам анча сезгир-хушёр эканликлари кўп бор қузатилган. Фавқулода вазиятлар вазир-лигининг қидирув-қутқарув тузилмалари-дан бирида хизмат қилган укам Ўткирнинг ҳикоя қилишича, Янгийўл тумани худу-дидан оқиб ўтувчи Бўзсув каналида 20 ёшли

йигитнинг чўкиб кетгани ҳақида маълумот келиб тушган заҳоти кутқарувчи-ғаввослар воқеа жойига етиб келишган. Мурда қанча масофагача оқиб борганини ҳеч ким аниқ айтиб беролмайд-ди. Ғаввослар тахминан икки юз метр жойгача топишолмагач, йигит қариндош-ларининг эсига бир воқеа тушади.

Ўтган йили бир отлик киши каналнинг нариги томонига ўтиш учун кўприкка яқинлашган. Отнинг эгаси ҳарчанд қи-ста-са-да, от кўприқдан ўтмаган. Маълум бўлишича, сал нарироқда чўкиб кетган бир одамнинг жасади ётган экан. Шун-дан сўнг улар бир отни топиб келишиб, Бўзсув ёқалаб юришган. Жонивор йўлдан кетаётиб нимадавиҳ хуржиб, кишнаб тўхтаган. Қутқарувчи-ғаввослар шу жой атрофидан ҳалиги йигитнинг жасадини топдилар.

– Биз ўтмишда от ва итларнинг табиий офатларнинг олдиндан сезиши ҳақида кўп ўқиганмиз ва эшитганмиз. Бироқ кутқарувчилик амалиётида ҳали бунақасига дуч келмагандик, – дея ҳикоя қилишди қидирув-қутқарувчи ишида қат-нашган йигитлар.

Фронтдан қайтган от

Хабарингиз бўлса керак, Иккинчи жаҳон уруши йилларида мамлакатимиз-дан озиқ-овқат ва кийим кечаклардан ташқари, кўп қорабайир ва саман отлар фронтга жўнатилган. Отларнинг кў-пчилиги мисли қўрилмаган қаҳрамонликлар кўрсатгани, халоскорлик қилгани, нати-жада бу жониворларга кўп қайтган маълум ўрнатилгани тарихдан маълум.

Юқоридаги сатрларни қозоғга кўчи-раётиб, ногаҳон бир воқеа эсимга тушиб кетди.

Қашқадарё вилояти, Китоб туманининг йирик деҳқончилик ҳўжалиқларидан би-рида ўттиз йилдан зиёд раҳбарлик қилган меҳнат қаҳрамони Каромат Рустамова деган аёл ўтган. Ўттизинчи-қирқинчи йилларда транспорт – улов тақчил бўлган пайтларда отлар одамларнинг жонига оро кирган. Айтишлари-ча, уруш йилла-ри она Ватан учун жонини ҳам беришига тайёр турган қишлоқ ахли ҳўжалиқликдан ташқари, шахсий отларини-да фронтга жўнатган. Шунда Каромат опа ҳам кўп йиллар миниб юрган, ўрганиб қолган отини кўзи қиймас-да, фронт учун бериб юборади. От билан йиғлаб хайрлашади, жонивор ҳам буни тушунгандек, бошини сарак-сарак қилган кўзи кўзига ёш ола-ди...

Уруш ҳам қутилган ғалаба билан туғади. Орадан бир йил ўтмай, ҳўжалиқда "Каромат опанинг оти фронтдан қайтиб келибди", деган овозга тарқалди. Ниҳоят, хориб-чарчаган, олдингига нисбатан анча озиб-тўзиб кетган от эгаси билан учрашган ва Қорабулоқ сувидан қониб-қониб ичган. Армони ушалган бу забонсиз жонивор кўп ўтмай, шу ерда жон берган.

Ана сизга, отларнинг инсонларга бўл-ган вафодорлиги-ю, садоқати.

Азамат СУЮН

Эълонлар

Самарқанд вилояти Каттақўрғон тумани М. Горький номидаги 10-сонли мактаб томонидан 1993 йилда Миннибулин Ринат Фотавич номига берилган 253831 рақамли гувоҳнома йўқолиши сабабли бекор қилинади.

Самарқанд вилояти Каттақўрғон тумани СПТУ-7 кечки филиали томонидан 1994 йилда Миннибулин Ринат Фотавич номига берилган 3051 (руйхат рақами 3051) рақамли аттестат йўқолиши сабабли бекор қилинади.

Тошкент шаҳар Яшнобод тумани Давлат хизматлари маркази томонидан 2018 йил 25 декабрь ривестер 658853-сон билан руйхатдан ўтган "ABC TRADING" МЧК устав фонди 9.325.000.000 сўмдан 1.646.830.000 сўмга камайтирилди. Тел.: 99890 920-02-83

Ўзбекистон Республикаси Вазирлар Маҳкамасининг Аграр ва озиқ-овқат соҳаларини ривожлантириш комплекси жамоаси Қашқадарё вилояти Қишлоқ ҳўжалиги бошқармаси бошлиғининг биринчи ўринбосари

Рашид МУҲАММАДИЕВнинг

вафоти муносабати билан унинг оила аъзолари ва яқинларига ҳамдардлик билдиради.

Қишлоқ ҳўжалигида билим ва инновациялар миллий маркази жамоаси собиқ бўлим бошлиғи

Курбон ЭШМИРЗАЕВнинг

вафоти муносабати билан унинг оила аъзолари ва яқин-ларига таъзия изҳор этади.

QISHLOQ
HAYOTI

МУАССИСА:
Ўзбекистон Республикаси Вазирлар Маҳкамаси таркибидagi ҳамда бошқа дахлдор вазирлик ва идоралар.

Бош муҳаррир: Чори ЛАТИПОВ

Таҳрир ҳайъати:

Жамшид ХўЖАЕВ, Шавкат ҲАМРОЕВ, Шухрат ТЕШАЕВ, Муҳаммадjon ТОШБОЛАЕВ, Ақтам ХАЙТОВ, Ботир СУЛАЙМОНОВ, Маҳмуд ТОИР, Ҳабиб ТЕМИРОВ (бош муҳаррир ўринбосари), Раимқул СУЯРОВ (бош муҳаррир ўринбосари).

Саҳифаловчи-дизайнер: Маркс ЮСУПОВ

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан руйхатдан ўтказилган. ҲАШМ 2 босма табоқ. Офсет усулида босилди, қоғоз бичими А-2. НАШР ИНДЕКСИ – 144. Буюртма Г-647. 2 511 нускада чоп этилди.

Манзил: 100000, Тошкент, Матбуотчилар кўчаси, 32-уй.
Телефонлар: Қабулхона – 236-26-50. Аграр масалалар бўлими – 236-26-47. Хатлар ва жамоатчилик билан алоқалар бўлими – 233-76-78. Факс – 233-44-43, 233-09-93. Реклама ва эълонлар – 236-26-50, 233-28-04. e-mail: info@qishloqhayoti.uz Баҳоси келишилган нархда.

ISSN 2010-7021



Босишга топшириш вақти: 21.00
Босишга топширилди: 01.30